

復齋先生龍圖陳公文集

復齋先生龍圖陳公文集卷第二

雜詠 古風

南康愛蓮即事

東君倦芳菲首夏即酣寢巧思蹶然興老手更諳檢
殷紅間濃綠濯此萬機錦桃李謾成蹊豈解香席枕
最是碧筒杯晚涼可以飲

與潘王二丈同遊南康郡園致爽亭

瀑秩秩而可聞山靡靡而旁繞待皓月於臺端睇明
河於木杪

遊南康栖賢寺

廬山東南五老峰青天削出金芙蓉謫仙此語誰解
道刻畫造化鴻濛中我來正值小至後暖日照回迎
朔風却想冬深一奇觀萬鶴飛舞漫蒼宮金相定更
作玉質華山十丈難為容坐令宵次玉淵靜筆下三
峽波持捲人生此樂豈易得向夕城鼓還鼕鼕

南康呈 潘王二丈

兩載試江郡政拙慚癘鯨蒿蒲值佳節雨餘尚清寒
山光作翠黛環蘸重湖寬龍舟從民樂綵袖奉親歡
征帆鎮今古天際自往還斑鬢閱世態心閑如石頑
懷哉歸故園千竹荷一灣足了此生事哦詩謝塵寰

南康大雪

嘉定己卯歲正月十七朝新春絕五日大雪霽以飄
繽紛七晝夜冷氣充層霄朔風攪宇宙爆耳驚秋潮
大厦作小舫輕舠想浮搖江湖本浩蕩星渚尤多颺
常時尚閉戶此日寒殊驕行人泊前岸只尺萬里遙
誰言民窶貧積此珠與瑤凍死不敢恨千山長木苗
蝗螟永入地癘疫仍潛消我得一嘆歸還家詫漁樵
作詩紀事實持付村童謠

延平鄭次倅荅田父詞韻

免饑誰與哺衣破與誰補田家安樂時尚有飢寒苦

況值久旱餘十須逾缺五加以瘡鬼威空廬倍貧窶
我適丁此時期以報君父人言災害深未知嗟近古
里閭十家聚往往半理土伊予忝蒞牧上恐負仁至
或婦失其夫或子失其母累累曰就盡公私竈捐庾
此是政令乖伊誰所自取嘗乞減十筭蒼穹未蒙許
遂使強慚顏繆稱事摩撫日異天色寒舊恙或可瘳
如何臆已至未有雪花舞明當自投効待罪聽官府
賴有賢二車殫心能活汝萬一得歸田終焉與樵侶
躬耕可足食為酒祀考祖庶幾樛櫟材沒齒遠斤斧

同師道弟奉親遊延平鳳山

我來一載強再覲鳳山面時當秋末垂群木尚葱蒨
車^半彼鷺停姿清流潔於練照影眩其儀世治乃一見
伊予獨何人婁獲遇奇盼去年旱少收田里多疏轉
今年雖得稔舊恙復枝蔓聖主肩有虞斯瑞遂可援
却嘆閩越氏雖美誰與傳山勢較奇崛泉源費誇羨
堅松峻壁挂暗溜陰崖濺諺寒晚不彫果異紅堪戀
四圍巧羅遮千級窘攀緣弟兄承板輿向晚不知倦
詩成寄山中聊用紀繾綣

上巳日遊延平脩禊洞

延平山水窟平生涉其粗距城五十里岩壑難具模

崔嵬通上界突兀動地樞泉石自撞擊鈞天恐難如
或若轟雷霆或若唾珠璣飛瀑自天下循環作清渠
云是鬼神力巧鑿三丈餘羽觴激如飛聊助文字娛
崇山回環合有洞容入居覲面卓文筆仰天真可書
幽花與脩竹揜映釋氏廬同遊皆勝士適值暮春初
山陰未足數直想風舞雪豈無休沐日復洗紅塵裾

三月遊延平溪源

溪源數里近半載始能之鸞鷟一峰聳相參如有期
昔人卓菴地惜不譚佇尼我與五士遊正值暮春時
脩梁四三所盡得戶阜奇清波映文石珠玉光陸離

貪者反不顧留為貧窶資飛雪湧千石寧為寒暑移
觸熱擺襪子豈知世有斯題名峻壁間用惡異日思

和李艮翁延平山泉韻

憶在延平郡疑觀夔府泉

延平府泉或於夔府

分為萬家澤來

自九天邊派別知何日源深不計年千筒如比櫛疊
節似聯鞭勁健山難遏纖微砭可穿駛於河並注掇
劇箭初傳玉漏長點滴蛟珠任碎圓雨時衝鴈斷晴
罷復難連駟夜春冰泮清甘曉露涓簾籬頻助固瓜
徙莫形絲濺地花長潤飛空日倍鮮用雖供甌羹性
本帶雲烟畱暑疑無地為霖綽有天珠飄飛絮壁聲

動佩環聯勢類虹垂漢人謗瀑挂川笛從王晉弄笙
是女媧編蛇青仍天矯虬白更蜿蜒解滌鄆城氣攻
參廣教禪喧令卧轉穩靜覺坐能聖松閣晨誦寂書
牕夜听專流觴情倍適論茗味尤便未飲襟先潔將
吟筆斐瀟一絲抽詔函十仞激崖顛早日聞偏誤秋
霄思易懸舊守謾多事題詩絕少緣無功糜國廩蔑
效在民屋有容多才思心清契澗緩長篇極模寫累
日慰飡眠豈直供三復仍將寫七絃唱研酬匪麗絨
寄興悠然

和傅寺丞竹隱之什

舉世謾擾擾誰能伴南山
新懷太守印雅意處士閑
朝夕愛此君相對一水間

右竹隱

閉門聲吾伊世仰德行威
祿仕非有意邦國須公榮
區區刀筆徒未足稱股肱

右讀書堂

爛熳膏中辭縱橫筆下字
山陰觴詠行少長亦畢至
前賢豈好飲庶以除萬事

右載酒

仙翰洒壁間風雨來天外
高詞寫愛景妙趣幾人會

堦庭富桂枝葉葉秋不墜

右寒碧

潁川治取騰宣席擬前席豈容玉堂人戀此野水碧
池荷雜岸葦香氣散月夕

右野趣

暑氣人間盛煩襟此地開拂雲千箇竹不礙晚風來
右清風

勁節歲寒碧芳枝春煖紅清和夷惠德千載尚聞風
右暖紅

同鄭寺丞登西瀑

紹年一聯鐘作意到西瀑是時新喜晴峻壁漱清玉
雷建駭神觀水冰瑩雪膏腹臨深足恐墮坐石膝頻促
容長不知永頑久愈未足下山歷斗潭喧飈尚相逐
忽喻十五里風雨送歸躅抵家如夢覺始覓當暑薄
但顧身更强後遊多東燭

東湖四詠

我作城東湖築堤百餘丈水深絕四尺岸曲八回往
中號小滄洲擘舟徑蓮蕩迴環即數里渌作三江漲
集鷺絕鷺猜跳魚時跌石欄外一峰奇意重友人餉
月夕命客遊不更蓬萊訪秋涼但曝書未許歌吹上

胡公是吾友千載不改節長作松筠青烟雲任明滅
岩堯占南面咲兀壓城闕西來群岫馳尊敬不敢越
餘勢抵東海平夷復奇崛陳岩亦加禮北坐拱相謂
我棲於其中往往媿時列汲汲企前脩庶幾不見絕
我築屋三間在湖東南隅上號曰寬間觀耕風雨餘
下作小山房可以讀詩書維南有松竹輕陰遶室廬
維此有芰荷濃絕涵窓虛四壁何所有經訓揭砭愚
食息在耳目日與聖賢居園蔬尚可飽老矣復何須
西山老禪叟依广安教椽趺坐看東海滄溟幾桑田
前此復誰居今踰三百年鐘鼓如一日從教歲徂遷

人生苦浮脆乃過金石堅
彼人尚能尔况是古聖賢
石床對石室靜坐思悠然
相期在晚暮用以補我愆

新池荅問

即宅見湖移園就宅以果易穀以寬補窄以娛親姻
以燕賓客曰田曰園孰失孰得

題傅侍郎寒碧十五韻

葦彩日相鮮柳綿時暗度無風亦生涼有月助奇趣
偶來獨坐時愛此那能去

右筠塢

何物擢仙質天然契吾性不染濁水泥明水月中映

只許此君看風清雨娟淨

右淨涼

猗猗深林中有類事謹獨採棄信所遭幽芳孰榮辱
苦與群卉殊千年猶有馥

右滋蘭

紅紫事鼎盛嫣然媚日風香氣裊不斷都若篝衣烘
請分別高下一種春陽回

右襲芳

春風闌妍麗衆卉芳可掬丁時良亦好暮景苦不足
獨擅晚秋香金英照寒綠

右晚香

瀟湘秋氣高，群水禿如指。
粲粲朱實繁，傲霜如有喜。
願言事封殖，勿使間棘杞。

右頌橘

天桃太繁媚，清瘦却憐梅。
酌此二妙質，為君出奇開。
釀作千日酒，高仙下崔嵬。

右種杏

江南開最蚤，猶及仲春時。
此地先飛雪，多情却願遲。

右梅坡

海底初上時，柳末清光發。
滿忽璫璣映，我膏中月地。

右宜月

燕忙將水撒魚樂欲空跳此意誰能會光陰靜裏消

右觀魚

素藥到眼明清香滿懷入不忍度方橋斜陽更凝立
千里洞庭秋一棹還可挹

一右橘浦橋

誰言四時殊春色鎮長有秀萼皆可餐采采泛卮酒
殷紅一月時發揮仍有抑

右百花徑

春風事華侈紅紫逐香飄水底從鋪錦還能似此橋

右流花橋

白傅落艸堂茶果替魚肉不妨天與富錦繡以為衣

右錦步障

右末說范蠡功名付滄洲可惜所見小只扶婢媼遊
如公真愛世請具濟川舟

右浮花

南園雜詠

壺中日月

觀書友古人不羨胡公仙新功坐有得寸陰長如年
六梅亭

終年一登亭舉目但楚愴仙人竟何之列樹拱相向

含暉亭

青山照寒溪朝暮有佳色元暉去千載俛仰令人憶

清風亭

薰爐驅俗氣茗椀破塵慮披襟六月涼乘此欲歸去

水月軒

日夕風定時上下映毫髮那堪秋夜半深處着明月

山光

朝晴翠方濃日夕色更玼何時最鮮明一雨自天洗

隱齋

出門易徇身靜處可固志寂寞三十年所憂非祿位

荷橋

風微香無根日落花更吐橫石數步餘却力不忍度

滌研池

朝朝麝煤脫靄靄雲霧昏幽深不數尺中有蛟龍蹲

竹亭

誰將霜雪節剪伐結此亭更須千萬箇四面看青青

松亭

天坐棟樑質挺挺自幽倫斧斤彈不施遠柱起龍鱗

延平次趙糾曹惟義韻十四首

野亭

春來一登姚快見耕與桑初冬擬豐樂為酒井此堂

橘軒

當年初種時四老戲其中何如與我輩坐對霜天紅

流杯石

清波映文石寘此亦奇事年年上巳時聊將姓名記

尊賢堂

山川秀而明所居必名賢主人雖凡骨不慕衍客仙

經史閣

小閣瞰清池荷花鎮長見吏休苟得暇只携書一卷

古香

秋根託岩隈靜對意味長春來長柔柯無風自生香

群仙觀

北山盡環合柔嵐輕雜雲一峰自能好况此玉成群

綠淨

清池綠如染到此顏為破幸有詩仙來珠璣剩教唾

玉井

登高摘水花永懷唐儒宗若識真古意何須最高岑

第一溪山

溪山號清絕自古產奇人可惜吾夫子南來不到闔

熙春臺

我乘凋瘵後未省見花開
安得一千里同携登此臺

基亭

我少不努力常愧夜諷子
亦有才高人雍容即登此

紫氣

三尺有正氣外邪何可干
功用雖未見韜藏誰將看

劍歸

神龍澤一世豈但三尺用
請潭知幾許吞八九雲夢

延平倅廳十詠

逍遙閣

山水有餘靜都忘城巖市朱黜本自省時焉此適遙
塵表

南山正相值虛閣出林杪不待清風生條然遊八表
承志堂

何人築斯堂刻意在承志永懷雲川翁清標作時瑞
擁雲

寂寂萬山底晴嵐晏猶氛馳心惟魏闕玉帝捧黃雲
風月堂

奇哉山水郡風月以為卿何人據其會曾襟有餘涼
飛霞

小閣本非寬宇宙在其內心與太初鄰不假飛霞佩

環美

昔人誇四美勝事最難并臺榭花相映青春月正明

浣塵

脩篁蘸方沼常與此心通永畫一卷書閑拋听泉筒

天開圖畫

通衢亘其南危樓冠其北如何境日新烟雲為筆墨

延綠

紅紫漫紛紛愛此耐久綠密幄有深處清風起餘馥

和柯東海遊安溪清水岩韻

飛溜無時斷行雲一日停
半年嗟若雨三度扣禪局
巖岫方從認松篁恰得醒
艸花多掩斂岸竹半伶俜
舟子應頻喚山農訝屢經
濺衣黃土重侵屨碧泉冷
溪合高低白林逮上下青
乍褰綿作障重展玉為屏
古佛靈如在微官德豈馨
心懸炷香案容肅換衣亭
晚照催歸騎清風惜暑樵
凭高閑一顧人世是浮萍

南劍道中示友人

坐見漫山有生意因知此日
更年華風和已作二月
景日煖欲破春三花菜蘗
青青山店圓酒沽薄薄野
人家吾行有涯我獨喜盃
盤雖菲君無差

瑞麥

維此瑞麥十有三莖伊誰所樹中夏以生豐年之慶
聖治之臻我作此賛潘之頌聲

感秋

西風忽起江楓未偏喜蕭蕭弄華髮世間何物最堅
牢惟有古來天上月

歲暮

我有數頃田讀書盡歲暮苟無飢渴態不必羨華富
人生苦嗟卑待日不可度不思義和車去去豈反顧
閉門十年間青雲半塵土先榮能幾時悔吝已莫數

所以五柳公陶然樂貧窶彼有五男兒豈不後日慮
五月水益小園

歸然俯溪亭偃若與舟接日涉有初心風雨或濶躡

適興

鴻鴈絕稻梁江湖自嬉飽君看太廟曦所欠非芻蕘

甘寢

甘寢不易得何人不貪睡所以八尺床惟賢始無愧
萬鍾固可樂中夜或興喟誰謂顏巷貧至寶賞所萃

得水蒼佩

被褐磊落懷白日凝光采初疑東君佩擲地今猶在

工倖巧得之刻畫探真宰飢蛟出潜淵怒勢吁可駭
憑誰縛致斯百勇不可解常恐毫髮間掇出風雲會
今我隱几看咫尺臨滄海平生冰雪心至心無由改
情親金石交佩重韋弦戒持身有不如顧謔能無愧

得古衿於劉坑

劉坑有嘉木根柯鍊青銅云是昔參天森環梵王宮
陵谷欻廷改風雷行地中于今五百載漁父忽相逢
波淵直下覩初驚睡驪龍玩狎始一探光怪萬仞虹
百夫共引綆婁斷如飛蓬一出千尋底昂然勢摩穹
伊誰扶大厦此具信足充擬用作津樑阻滯斷可通

芥斤一暫試芬芳四隨風胡為久沈鬱反美嬰下相
顛晦已千載有如初植同大哉一元氣運用無時窮
壽此不朽物會與齊其終

謝長溪張兄惠其先世所得吳氏研屏

蜀產有奇石仙人對松鶴文理自天成玉質謝雕鑿
化工豈炫巧賦予無適莫孰謂人意殊自作喜與愕
但當此堅正俯仰無愧怍

鳳味

千年寒潭底飽孕精鋼秀何人出黥玉手觸氣如餽
健筆舉龍文清音鳴鳳味坐使端歛產瞳乎仍溪後

道間馳荔

六月炎天下丹子帶露凌風日千里吾皇慈儉却獻
來六宮不襲唐朝事王公厭飲遠域珍豈識霄馳常
暍死郡侯何用苦區區暑氣隆時勞送似色香俱壞
僅存名鳥飛不到人何勝登盤乍試狹嫌味顆顆誰
知血汗成

春盤

清晨採擷南山麓金刀細細裁青轂素盤恰辨飢雷
鳴飽竟春陽滿枯腹我生頭領非虎燕未許嚼哉薄
野藪從今意並藝一區便可朝餐食無肉君不見寶

馬彫鞍紈縵兒艷臺之体充甘肥一生飽死同蠅蟻
夷齊至今民稱之

謝建陽宰劉潛夫寄酒

建陽則有王桐城則有孟王醞清而淳孟益和而勁
一酌適我情再酌養我性充腹皆陽和陰慝不得並
或隔千里遙或餘百里徑水陸有遠近非好遠無脛
苟不過益友吾瓶詎能罄

贈寒谷道人易之

我昔過君門心閑懶問君君今來深谷無心似孤雲
淋浪身上衣磊落袖中文相違復相別去宿白鷗群

白山茶雜花

奇葩冬後藥羞澁見東風
不變冰霜操從他百卉紅
芍藥包紅錦橘花瀾明珠
不復憶海棠飄零烟雨中

題延平李氏宅

延平李氏房仙翁扁盤谷
虛堂納水石蘭萱和脩竹
距城才咫尺作吏愧真俗
年餘始一到賴有客如玉

開新池擬就僧伽地未遂

一盆堪作沼尋丈詎非塘
底用荷花盛方能心境涼
忍將禾黍地鑿出水雲鄉
極目平時潤時看白鷺翔

易地成池

南園無隙地鑿池向園東
中作平臺迥聊將小艇通
四圍楊柳裊十畝芰荷紅
何必五湖去門前足月風

復齋先生龍圖陳公文集卷第三

五言

題妙寂寺

四遶青巒峻西東碧浪楊孤忠
招寶翰正色著祠堂孰繼功
言盛空嗟艸木長蓼莪時一誦
灑泣淚千行

右一

百代公師基千年妙應林香隨
清晝永山泣晚秋深列桂團
風露高松耐古今過墻深夜月
觸目倍傷心

右二

寺古靜還僻小窻幽更深
觀時知句眼讀易見天心

霜露霄增感烟雲曉見侵
獨坐思往昔愁絕淚盈襟

右三

復堂獨坐

漫道清明僕真成首夏天
南風回礎汗小雨駐驢煙
花柳無心對詩書隱几眠
盃茶時猛省事業愧先賢

荷花

亭亭張翠蓋面面覩晨妝
玉鑑三千匣金釵十二行
雨添驪水浴風解月宮裳
對此誰能賦端須鐵石腸

竹徑

新笋未全抽春陰亦類秋
世間惟竹逕不掃更清幽

即事

黠鼠同姦吏食蛟勝勇兵
盆翻施計巧血戰視身輕
拙笑龜貽患飢憐螢獨清
貂蟬何物者冠冕得光榮

刺桐二

名字傳興志風流欠畫圖
高花人不採留得映栖烏

又

盡護遼城家炎風盛際花
漫天何所似漠懺雜雲霞

題隱居

磐石疑溪月茅簷潘竹風
琴尊隨分有夜夜主人公

納涼

竚立金明候清霄意豁然暑風狻襲燕秋意已通蟬
竹徑不知夏寔尊別有天吾曹能辨此不愧晉林賢

端午

雨萍菖蒲知雲縈角黍絲光陰驚老大節物媚童兒
謾口千年恨懷賢一日思蘭蒿無好醜米係用逢時

昭君

永巷鑠芳菲春歸人燕泥粉身能報國妾才不愛娥眉

山寺

疎林漏曉日脩竹起寒風鍾鼓催朝暮千年如此同
入暮

溪光延夕暝山色接天青獨立待霜月山童已觸屏

山中

淺溪仍殘照山青更暮烟人行菴盡地鳥度粉牋天
麥潤先春秀梅清破臘年田家無力事牛背落鴉眠

冰山

出自重陰地來陳酷暑天崢嶸真可仰刻轢更成妍
氣與驕陽敵峰將大華肩有人心計巧直欲厄其巔

謝無礙菴誦

榮枯無異態幽寂得長生只待天河水猶嫌玉井冰
松筠差少事蘭麝已多情獨愛禪牕寒客時凡獨凭

宿義丘橋

月牕頻悞曉風澗更迷晴
蒼歆戴星上翻成踏雨行
奇峰才一面古佛尚餘情
我亦愛閑者它年尋此盟

曉抵埔頭就陳氏食

幸有安閑日那無自在身
人如年易老詩與事長新
雨霽還佳境途窮得主人
馳驅四十里盤礴縣成閨
巖州道中見月以禱雨不飲

赤地三千里離家四十程
豈無瓶可倒忍對月仍明
在處嗟呼氣窮村鼓鐸聲
有神司下土能不惻垂情
自在所婦遊楊村鄭氏園

碧柳縈沙路紅蕖映竹扉
亭隨山作態人與石相依
盛暑深巖冷通天一逕微
神清非夢境端的客來希
過田家

足跡抵西隣耕桑力不貧
媪翁雙鬢雪兒女一庖春
水碓春殘日松棚香逼人
車中名利客得似自由身
遊瑞泉

久作靈巖想重來一洒然
山排几上石海挹研中泉
句出青雲外禽歸夕照邊
去城曾幾遠能不日盤旋
到妙寂寺

朝辭城市開近寺向昏黃
步步貪山色依依顧水光

群魚狻出戲歸路倦高翔正喜無人見迎僧款下堂

山居

山深塵事絕物靜壯心降
蟻度輕移履蜂迷為穴牕
霜暉疑皓月風月類翻江
有客來何處應尋居士龐

題先隴

去去音容遠冥冥歲月深
彈將溪作淚莫盡一生心

鄂溪呈陳汝昌

回鴈無來訊遠鄉已十程
旅懷宵不寐歸夢曉難成
在處山殊秀無溪水不清
平生泉石癖亦足慙吾情

亭上茅寄生

生長天垂力孤懸有作奇最光承曉露終不墮春泥
雨

滴滴鳴乾葉蕭蕭過矩籬山房歌枕夜听尺去來時

和度支兄詠竹

園竹今逾盛壺山與遜青錦綉千稚子雷甲萬夫丁
聲入秋風遠涼生午日亭栽培從此力雨露正霑零
和潘侯覓荔子

中郎厨品在詩老合先嘗塵騎將星戴筠籠柰雨妨
空遺黃絹句莫致降香囊此願何當續薰風竟一償

懷鄭文山

早遂山林志于今一代豪平生唯質實四海仰孤高
久欲問奇字先令餉濁醪相望廿里近可嘆自塵勞

和楊秋止酒韻

快意誠甘疾折肱知妙方飯餘書可讀茗過味偏長
南浦烟雲密東臯來報忙青春深幾許明日又流觴

和許月湖上元遊東禪

寺迫倫無事山幽剩得春天機元不斷歲律自成新
禪定才朝暮勞生幾屈伸詩成人未散月得染庭筠

送趙右史至西禪趙允中有詩和之

送客此憑欄僧閑魚更閑塵勞聊一釋樂意更相關

誘我皆為物，怡人獨有山。何時重到此，着履點苔班。

西牕醉醺

剪刻千條重，天上柰爾何。房多攢綠玉，香遠釀春醪。
堆架防攀折，逢人費護呵。不知秋桂晚，庭際長柔柯。

南園新舟成呈同遊諸友

虛舟當畫橋，解纜綠楊腰。月白天相近，風清水不搖。
浮圖明突兀，略豹誇虛遙。解返成真賞，初晴第一霄。

又

暑汗俄霑背，山雲已半腰。雷轟舟不動，電劃岸將搖。
壁亂咲譚雜，空蒙只尺遙。濃陰難蔽月，清興得中霄。

松

擎天端作柱度漢可為樑不受紅塵浣長依曠日光
風行揚遠韻雨過發真香偏向閩中道炎時散井涼

春暮書房

春晴無十日秉燭亦須遊吟咲鯁生面稿粘嘉簡頭
方殫義理樂蚤覓髣髴秋幾欲拋書坐癡成不自由

閔邸報

虛名空自喜叢謗亦難逃望重瑕來衆官高磬折勞
應酬書脫腕思慮雪侵毛何似山林士琴牀夢日高
題高將仕墨梅

露零難辨藥月滿祗尋香不受丹青沈仍當雲水鄉
詩清見和靖筆妙得高郎當暑開霜素蕭然六月涼

放鷓鴣

有生惟萬類好惡與人參以彼割腸苦為吾悅口甘
疏食人所尚肉食我誠慚放汝飛翔去騰雲更宿嵐

南園

水氣勝風涼星輝當月光漁舟在何處歎乃一聲長

和王丞邁

宰縣殊無補初心復負書極知通一藝苦恨乏三徐
立志期乾健流年嘆月諸已拚雙鬢白未必古人如

又

蚤慕登門寵今欣後乘陪窮山達歲晚佳節看陽來
地煖猶聞桂冬深未見梅高齋公事少暇日足徘徊

觀鳳池橋上標

溪自清如鏡官那束似羈不因乘小舫還得賦新詩
邑肇千家聚梁成萬世在令漸無小補刻石欲何詞

題喻景山大飛書房

仙數七十里半世祇聞名一日見山白千年懷友情
古貌浮美醕清水照塵纓霜月亭亭白連床語到明

庚午宴新舉人

捧檄自來南金門喜綴驂一時驚得五四季早魁三
摘藻皆人傑吹竽祇自慚功名期不朽溪水碧於藍

次柯東海於安溪流惠亭

少壯成何事蹉跎髮歆翁尚餘朱墨日可欠芟荷風
歸鷺依山白新蟾蘸酒紅晴空無點翳秋氣遙梧桐

往行都至巖州爲駐館阻水留二日

村館通甯冷江鄉五月秋野梅酸味足隴麥餌香浮
水滿迷行徑濶揚過去舟亭衢如可待莫厭小淹留

趙戶自在所抵烏駐用前韻見示和之

自昔桐城別于今兩閱秋睽違嗟地遠聚散似萍浮

獨發皇都道同登烏駐舟人生非苟合誰謂雨能留
近三衢阻雨

行李初逢雨朝來猶望晴霑濡端及月慣習自忘情
密霽村村暝流泉處處明更餘三百里江滿看舟行

又

亭午還同曉餘春祇見寒不因陰雨窘那識道途難
夾路峰峦隱高田水潦漫憑誰掃浮翳杲杲出雲端

題南康戲綵堂

織女支機石雲根幾許深月明偏得照烟暝杳難尋
戲綵番哥跡重題愧夙心長年過半百摹刻媿知音

紅藥

山城風雨收未省牡丹開正訝遲紅藥雙葩忽送來

次儲光祿韻

茗甌吹積雪薰鼎撥寒灰覲面看脩竹披襟映古槐
日長嗟侶少風動喜朋來共此林泉興生涯水一杯
掬水錫壺

昔在延平郡泉聲日夜聞六年歸故里一縷憶晴雲
儋石終霄足瓶罍竟日分山中有飛瀑未必慝朝暉

題延平劍歸閣

晉代難為用翻藏此水涯在天猶有赫鎮地永無邪

雨過疑晉迹風飛去莫遮誰云寒瀨底折戟伴沈沙

次棲宗薄禱雨韻

君侯憂國念食頃詎能忘盡變庖厨饌全銷燕寢香
連朝成霽霽中夜忽琅琅坐想溪十曲恩波似个長

又

早氣詣南州深貽肝食憂蟹能升古井龍敢卧深湫
德政真無愧豐年信可求野人無別慕鼓腹事西疇

重九與劉學錄

前一日劉學錄以詩招諸楊二
犬登高二犬辭之劉以詩見寄

仍和之

休暇常難值招邀愧已頻暫辭霜際菊終作雨來人

適意能迂訪秋芳正錯陳桂蘭供俯仰况有拒霜新

謝蔡知縣白蓮栽

忠惠當年種瀟溪此日分開筵勝玉盃圍坐當冰盆
性地元無染心源自有根江湖情漸懶樂在開柴門

送趙糾之潮州任

昔佐仙遊縣聲稱已勝喧幾年加問學名郡事平友
岸獄情難察鯨鱉志勇寬惟將明與謹用表贈行言
觀瀑布東同遊諸友

夏五前一日登東平山觀瀑玉雪三十丈為
疊者四與西重瀑布為伯仲東同遊諸友

兩瀑五十里炎蒸雨雪霽那知房阜境元只在吾鄉
往瀨溪西重山觀瀑分韻得還字

來自崑崙派全勝庐岳山椿雲何日息注海幾時還
翠碧倚鋒鏑青冥振佩環主人專一壑那得鬢毛斑
喻景山索詩用石間韻

交遊二十載恐負壁間名圖籍有真味林泉無俗情
我方穿短履君始影長纓出處今殊致同懷山月明

次潘丈韻與劉學錄

以彼月中桂來^來僕地上仙冲融膏内樂擺落世間緣
人語春風裏秋歸夕照边主翁長靜坐不是學安然

十月菊

白玉三千界黃金百萬錢雖遲九日後却戰一陽前
不願遊人看仍踈酒錢
天公豈無意垂老更芳妍
有贈鹿忽生麝承劉學錄惠詩以韻謝之

麋鹿方辭贈秋來忽有麝暫能娛市隱終遭傍雲杳
幽事漁樵說佳篇李杜齊行看双挺角未羨駭群雞

贈林尹仲

八年前會晤猶憶刺桐鄉君眼雖非白吾顏已過蒼
有求皆妄想無欲是良方不學神仙術他時共一觴

復齋先生龍圖陳公文集卷第四

七言

安溪勸農詩

當職凡兩勸農其文非不諄復竊恐文老循
習視以為常今取切於農事者為詩七篇文
老其令子弟歌之庶幾可以感發俾朝夕從
事於此令秩滿且去他日聞此邑人礼義家
富庶能不為之喜乎詩具如後

父母辛勤養汝身直須五鼎奉双親有田若不勤耕
稼救水猶虧豈是人

右勸孝養

力勤瘠地亦良田
豐歉由人莫問天
曝背耘苗能著力
天公畢竟也相憐

右勸耘苗

此間種田多不耘
草致所收微薄

七閭寸土直錢多
坑是泉山價倍高
恠爾小民無別業
如何荒畝長蓬蒿

右勸耕荒田

此間荒田頗多
民不耕誠為可惜

是處荒山欲接天
土膏如麵草如氈
及時便種松杉

子遠計收功只十年

右勸種植

此間山多肥壤
與永春德化相隣
無不可種松杉之
理人多苟且不為
十

年討弥望皆
童山可惜

田夫所入最為艱終歲辛勤不得閑勸爾小爭須隱
忍破家只在片時間

右勸息訟

奉債當知濟汝窮取錢須念利難供富人心要憐貧
者貧者身全仰富翁

右勸貧富相資

汗顏為令已三年二稅無因放汝錢但願人人知務
本化時莫忘勸農篇

題安溪流惠亭

陳塘舊水亭曰瑞蓮歲久頽圯
廣而新之以塘為放生池因改

名沅
惠亭

平蕪幾載翳雲烟一日重開便豁然
須信耕桑皆帝力謾將翔泳祝充年
金堤新挿千株柳玉井仍看十丈蓮
縣令欲同民快樂西風來看遠湖田

題安溪雙清閣

縣西舊有觀瀾亭湫隘特甚開
而閣之揭名雙清以慰暑行者

重開傑閣似天成氣壓塵闌境自清
一水深澄蒼玉遠五峰齊峙翠屏橫
未諧廣廈萬間志且慝行人六月情
蚤脫定能誇盛事鳳池橋上看蓬瀛

登安溪蓬萊山謝雨

我來兩月值冬晴多謝灵明荅寸誠
一辦淨春猶未

染得瓊英蓋短垣

贈梁運屬

漢

萱堂處處盡陽春二月嚴霜凜獨陳
六載時勞勤奉養五年居外侮艱屯
嗟君不愧曾參孝愧我殊無孝叔純
齊與楚休雖衆勝會看至行感蒼昊

官松

和東坡

團團翠蓋中圓規風雨精神壯兩儀
一日不戕凌雪操千年晉得入雲枝
長垂道路清涼蔭更有神仙灑落
安南國至今忠惠澤往來那更誦坡詩

暮春

蘭亭明日禊餘春風冷難回積雨雲不惜芳菲倦遊
賞雅宜竹下閉門人

小園送春

一春強半尚無晴有負淵明日涉名鷺粟已粧紅葉
艷青梅尚賸荔枝生可憐蜂蝶攀轅意尚欲羲和反
旆行桃李不言流水畔遊人到此自多情

謝人遺酥

廣寒春雪不能融留得仙娥素手中白玉如香差可
比冰清乏潤遠難同休將姹女涂丹臉宜為儒生沃
寸衷多謝王公情不薄筠簋特為故人東

謾題

胃襟但貯五千卷
意慮曾無分寸私
歎老嗟卑真淺
士古人心事有誰知

中秋桐城觀牽子

風前散袂能忘扇
月下題詩不用燈
萬士清霄鑒棘
廬一年秋色滿桐城

到九座

想像精藍九疊前
青鞋今得踏雲烟
霜邊澗水多成
玉嶺上人家半是仙
伏蟾千年無動意
老松何日不
幽禪可憐倚馬思
歸客有底區中未了緣

暮宿化成庵

雨近祇從簷角起雲濃不蔽月華明
佛燈一點水同冷酒盞三行茗漾清
僮僕倦羸聞鼻息友朋笑語慙
衷情齋厨夜半無留火不待辰鷄接浙行

建陽道

五月平疇不得耘青秧老處圻於龜
乾坤惠愛無遺物仰乳嬰兒可使飢

和晦庵壁間

着壁驪珠五月寒行人到此泣
閑干亭前好竟慵回首恐跨征鞍不得看

閏月五日題武夷

武夷精舍果何如名字流傳動八區
大隱山前溪一曲一間茅屋與誰居

不見山居二十年蒼髯玉面故依然
它年我定先君老準擬虛名共久傳

不知列岫何年有應費神功妙剗裁
恠恠奇奇人莫問娥皇曾把補天來

碧潭奇觀

賸得浮生十日閑一逢勝處便凭欄
天開池沼供魚樂雨洗峯巒與客看
活計祇須携弱蒞謀身空嘆負

儒冠試聽磯上垂綸叟不信人間有熟官

抵邑示景山

四望坡陀百里平群峰相顧最多情
船從碧玉堆中度人向黃雲陣裏行
訪道幾朝成夜飲思君何日再
晨征覽時分袂休言別遇有人來數寄聲

十七日窘雨邑中舟還

行到青山欲盡頭窮源未省作溪遊
輕雲放日催人渡積雨肥波送客舟
卧看玉簪迎兩岫心隨繡領逐浮漚
眼前邈后多堪賞特地安排似此不

十八日景山同舟作別

濃陰猶辨石鄰鄰。百尺潭疑到底流。急宛乘銀騎
出身輕。直向碧霄凌。風前別酒能禁幾。兩外征衣却
慣曾。最是蕭蕭霜葉動。路回不見筍輿凭。

將還家書寄杜中

縈紆一帶本平漫。碓碓依村自作灘。卷却片帆舟轉
急。斟殘斗酒雨猶寒。從教稚子嗔歸晚。祇為良朋得
會難。佳景無窮吟不盡。還家携與社中看。

和崇安壁間

人人盡道為貧驅。出不高車食不魚。陋巷最貧誰氏
子。藜羹滷飯味詩書。

小閣崢嶸山四傍清溪來作九霞觴我來細酌看山
色山色長佳為不忙

和東海題雲松嶺書堂

百尺長松帶碧蘿杜溪深鎖蔣洋坡一堂來作群山
主四牖分盛好景多書卷不須扃戶讀詩翁頻許杖
藜過一生心事何難足更與前灣月半簑

道中即事

春陰不辨夕陽斜漫宿深村小隱家石澗流泉成急
雨露粧枯樹作新花但欣麥隴千山秀不恨芒鞋十
里沙悠遠山川還興盡不知何日抵京華

竹間榴花

五月秣梢未着蟬
節根新換玉娟娟
露華團翠濃堪
滴澆得殷紅不敢然

瓶梅

為怕凋零不忍裁
問云何處正初開
小牕冬日看春
至短帽無人澈夜陪
光景長如新月上
杖藜懶向小園隈
最鄰飛玉朝來見
不恠狂風急雨催

題蒲巖次陳侍郎韻

纖巧難誇刻楮工
四時不改綠茸茸
祇應松檜堪為
友閤盡人間桃李風

又

我亦年來養氣工
黃茅丹鼎欲生茸
蓬萊咫尺真堪
玩底恨三年弱水風

中秋前偶題

首歲中秋幾月明
長先十日候陰晴
清風不覺傳三
鼓又恐冰輪碾女城

世事浮雲頻改換
月華千古祇清新
炎風暑氣常侵
客縱有淒風亦可人

雨過雲衣已半除
深淵絢爛剖驪珠
陰晴明日猶難
料未及中秋此夜如
十二日題

初秋喜雨

推金無力拒炎光
挾雨呼風作晚涼
玉漏城頭傳一箭
征人已覓十分長

酷熱

赤日當空雨汗流
行人小立盡咨愁
誰知天使陽居夏
安作人間歲有秋
鱗介洪纖皆自遂
林泉澹泊可無求
須思一夜西風起
便到無衣遠客頭

過盤龍寺

剎眼烟光聚野堂
無風荷葉自生涼
幽人到此心先靜
不動邊頭白鷺行

寄山中老友

功名直作千年計，志氣不隨雙鬢衰。
書卷盈懷張晏食，祇煩造物為營炊。

贈翁子西

先生道古背今馳，羈北詩書兩鬢絲。
進取不遺餘子後，文章曾作幾人師。
未施天上經綸手，且放胸中經濟詞。
三復荔臺佳句法，千年風雅有誰追。

望夕

一點射窓明已足，三更當戶意慵看。
竹籬茅舍心安處，不羨乘風到廣寒。

黃梅

來禽青李不待熟枝上作酸能晚黃期與蠶鹽同事
紫萼因烟雨長風光丹心祇有帝心識苦口寧為衆
口嘗擲棄道旁同幣帛有人負鼎去干場

探春

桃李無言自曉粧青春幾日最韶光遊人不用頻來
看趣取初開未減香

春日到小園

屹立虛亭跨野塘蕭蕭爽爽似瀟湘後教密種千竿竹
不蔽山光興水光

東郊無地不蒼蒼
目氣融和自有香
最是遊人行樂處
不寒不暖晝偏長

和翁子雅

積中順和發英華
咳唾珠璣擅百家
圓似廣場馳小彈
熟於夷路駕輕車
綺詞新濯蜀江錦
陰韻難追河漢槎
恠見春歸不遊賞
由來筆下有奇葩

早起

市塵無計避風埃
反閉柴門嬾自開
春夢恰同簷雨斷
俗氣已逐鳥聲來

和方丞詠梅

從來天道尚栽培，妙手仍能頃刻開。
萬壑千崖收鴈去，三花兩葉喚春回。
松筠早結同心友，桃李真堪後
乘陪。調鼎工夫在朝夕，如何方向此中栽。

釣臺

雲臺貂冕成堆土，釣瀨羊裘照九秋。
林認得南柯不回首，清名萬古尚流溪。

到三山

遙鄉數驛肆馳驅，正是年華欲換時。
山色萬家開戶牖，水錦十里列旌旗。
物情欣泰隨方見，世態暄涼祇自知。
一別南臺茲六載，重來盡記道間奇。

過黃源嶺

此是辭家第幾程
道由劔嶺出崢嶸
上穿密靄聞天語
下領浮雲作雨行
千仞直從人面起
一塵不向馬蹄生
雖慚仁智粗知樂
憩聽疎松夾水聲

和翁子雅

函丈論文僕屢更
夜深相對眼偏青
曾無取次人敲戶
祇有慇懃月到庭

題劔灘

山在溪中水在山
生生何處鬼門關
數聲柔櫓風雷外
一葉輕舟劔戟間
為問片時驚陷溺
何如竟日緩

躋攀信知行險非天命垣道從來絕後跟

吉溪見桃花

山中開落不逢人我為持盃一笑頻最喜緣陰成子
早却嫌紅藥折枝頻已勾蛺蝶輕遮雨更約溪風細
護春萬點武陵歸去日應無一葉到驚塵

南飭值雪

一夜茅簷凍雨聲曉來千岫照人明真同煮海鹽花
瑞不見因風柳絮輕游子不愁衣短薄農夫剩喜歲
豈成竹籬草舍猶堪賞况映鐔津一水清

題王孫口致爽亭賡陳左史韻

溪山一路送還迎管領溪山有此亭我為奉杯相勞

勉他年端不負山灵
誰結危亭碧玉堆
西山爽氣喚仍回
嵐光祗恐不堪
着更遣新詩勾引來

題致爽亭

山水園中宅一區
小亭花柳足康娛
勾牽詩思千篇
有斗檄征塵一點
無東烛風簷貴
遮邏閑牕雲霧巧
闌關憑誰起喚
主摩詰寫作淵明歸去圖

分水韻嶺

區域甌閩此嶺存
朝來飛雨暮行雲
方今天下車同

軌一水如何強別分

嶺上見梅

桃溪蜂蝶醉紅裙
度嶺冰姿尚卧雲
不獨山川限閩浙
由來天意亦區分

鈞山聖泉

山結深深碧玉龕
神龍保此一泓甘
我來酒渴如虹飲
料得來生未解貪

風雨過武夷山

我與茲山是故人
十年相別意弥真
如何咫尺迷風雨
剛道情親却不親

妙寂院訪梅

山寒尽日少人知，調鼎風流却在茲。
但得此君為益友，不嫌青女妬妍姿。
應愁我輩來何晚，豈共春風別有私。
不忍折枝飛減玉，留看小雨弄黃時。

和趙仲由

不踏人間桃李場，要看梅蘂帶嚴霜。
敷成妙賦飄飄意，吐出新詩字字香。
爽致青山期取友，高情春晝與俱長。
蘇黃不作希佳士，被褐懷珠奪月光。

再和

寤寐曾劉不鮮忘，双眸炯炯月中霜。
高吟出軸蠅絲

富雅思榮春柳絮香後進推排唯我拙前人準擬覓
君長祗今天下多名士深謝新篇擲夜光

三月芙蓉盛開二十餘花和友人韻

芳辰美景最難兼桃李春風桂子蟾百卉並生吾道

泰嘉祥敢恃我師謙

雲袖霞衣自等差天風吹下玉皇家似憐桃李無顏

色來伴姚黃魏紫花

賀權郡兩應禱

衡山開霽雨回風正直心期自感通頓使靈濡千里
足都由精白寸誠中誰知憂國丹心在不與農夫喜

色同四海正須膏澤潤豈容別駕最民功

乙丑春旱至四月十六夜雨

說梅津漱不濡脣秧稻堪驚陌上人昨夜天公一翻
手蒼生百萬面生春

再和

何處笙歌酒入脣應慚忍渴望雲人朝來頓覓西山
黑農圃歡聲揔是春

十六至十九日雨未已

一夜蛟龍怒虎焦卧聽簷溜不分交拍天溪浦迷西
極萬里耕耘盡樂郊龜鼃無舟乘野外寒鴉不笠待

林梢要看景景東方白魚自清波燕自巢

和潘舍人

不能百里馬牛風千日相思一日逢四月仙舟發漳
水恍然笑語在芙蓉

上潘舍人

經行造次有新詩吞吐珠璣不自奇寸管久期窺變
豹深叢今幸見孤熊高情陶謝猶能及聖處陰何詎
得知乞與金丹換凡骨飛遨祇恐乏仙姿

又

淵水人如大雅詩唯君出句最能奇騰聲直欲駭鸞

鶴赤子猶思縛虎熊。覽卷幾年如舊識。忘年今日辱
新知。漳濱尚許陪尊俎。想像梅花是玉姿。

三賢堂和柯東海

先後勲名百歲周。同堂耿耿夜光寒。片言已奪丹遼
氣。萬世徒聞四諫官。殄瘁機籌餘膽壯。佐時忠亮更
冒端不曰品藻公。輿論得與前賢一樣看。

中夜

功名有念心常醒。更鼓無聲夜更長。天運乾乾同轉
磨。鬢毛能不幾時霜。

荔子

不伴人間桃李群
炎曦與傳渥丹勻
南州幾歲供懷橘
北閩何年可獻芹

又

天垂甘露絳紗囊
要作南方一味涼
解世間煩熱
惱華峰有藕未能強

讀先君新弟落成詩有感因韻書示蒙孫
信矣賢愚共一初
都緣勤怠遂殊居
淵源有本天同健
潢潦無根夕易除
何事不為塵所染
平生須有善堪書
要從陋巷甘勤苦
始得声名滿觀渠

又

吾家清儉莫忘初昔日儒酸白屋居世事直須防滿
溢天公偏是喜乘除看來負郭三千頃不似傳家一
卷書謙損却能豐萃致試觀滄海受川渠

謝東園主人惠蔡公草書

開軒但覓快心眸百載雲烟靄未收誰謂昔人成邁
往每於遺墨見風流看中猛勢驤龍虎藏處寒光射
斗牛白壁一双猶莫報受君此惠等山丘

上王侯從九前蜀不濟寺債

史君掾弊知原本民賴浮屠產力寬保障便為今日
計功名畱與百年看喜聞白紙租都放不飲黃花酒

亦歡晨起有人相賀語禪齊得穩占蒲團

後堂芙蓉

紅葩翠竹與齊肩為問霜枝已幾年一色碧天紅爛
熳卧看疑在鑑湖舡

四月中澣汎惠見亭蓮

誰言紅艷占春多風雨真成一擲校何似水花秋更
好才逢四月已開荷疾雷不雨卷行雲湖面清風
篆玉丈我自得閒來卧看狎人鷗鷺亦成群

和方宗教鼓山韻

曾次崔嵬絕點埃山光玉色兩佳哉官閑却得身棲

宿巖迥惟聞鶴去來定處華鯨催石磬眼前茗盞伴
爐灰高情一出樊籠外逸駕飄飄未擬回

又

蓋世功名不染埃清時嘗見賦康哉灵源已作千年
觀聖相仍曾一日來補練元功天上石樊調和氣琯
中灰崖間嘗有數行墨晉興遊人抵暮回

題永石屏

琅玕三尺重南金風韻仍同綠綺琴
曾次便如斯壁立千年不受一塵侵
誰將一段楚天碧磨向崖心萬仞餘
橋柱不題司馬

字蘭亭晉侍右軍書

大目寺牡丹

行人那得不如狂
謫下僊真衣錦裳
要識洛陽姚魏色
煩君千里到維楊

丙寅五月三日陪真秘字留枝理遊鼓山一別
二年適同遊東觀緬思舊遊正以是日作詩
以記之

一時盛事擅南閩
驚世詞宗幕府賓
今日恰同當日會
道山元是鼓山人
兩年君幾封囊上
百里予方束帶新
岐路不同俱自勉
何年重此拂堅珉

重九日登道山亭柱間有陳休齋題詞曰帥相
者先君也予既感時之用師而懷先君之去
此與垂卅年慨然流涕歸而賦之

道山亭上看秋光萬里長安在夕陽數點難收周顗
淚一冠莫效孟嘉狂浮嵐盡作襟期爽嫩藥能令肺
腑香三十年前童稚日不堪回首一淒涼

開禧丙寅春二十六日黃子功襲少任趙仲白
同會轉庵中夜以夜永燭花偏分韻賦詩樂
甚時太守有遊山之約不果

有道襟懷鬢不華笑譚物物揔春花揮毫要使鍾張

避出句應知屈宋衙今日相逢萍聚水明朝各是客
乘楂坐中韶渡鏗鐸作亦許狂吟雜俚哇

上潘舍人德久後用王史君韻

慚愧西湖處士身強縻珪組向南閩旌旗夾道渾閑
物句律橫空別有神嚴瀨舊題追古昔奚囊白首更
清新年來剝喜三迴見一代于今有幾人

氣大詞雄擅百家長江衮衮見浮楂襟懷有道顏長
玉談笑為春物自花飄逸大書追渴驥聯翩行字更
飛鴉夜陪餘論清肝膽不羨乘風七碗茶

雲臺寺梅坡

不是騷人親手裁如何一一作詩謀世間那用香如
許應有仙真夜往來
樹杪風來玉佩輕仙香飄作世間清一枝不許來城
市祇伴高人避世情

讀史

一嘿尽知天下事片言常得古人心千年成敗興衰
迹祇向忠邪兩路尋

偶題

紫瓊潤潔墨花香獨坐小窗春晝長拈筆題詩隨意
拙近來不復省鍾王

問梅

孤芳皎皎怕人知
欲近清香遠却宜
認得清香端的處
等眼_闕着眼莫相疑

又

眼前禁得一枝橫
不用千林綴玉英
花謝花開渾不問
抵將佳處付詩情

丹桂

自是仙家別樣粧
風來疑解舞霓裳
異香只許蟾宮采
不與秋光作伴黃

雨晴見山

經旬不見嶙峋面
雨施雲行到九州
春政已成無一事
却扶紅日翠峯頭

次仙谿陳寺郎韻寄題劉尚書二堂
迂叟相望百載間
遺風誰道久凋闕
欲期他日勲名
咸追作當年榜樣
看汗漫西湖開望
哀崔嵬方嘯獻
雲端功名肯擅一
丘樂突兀須教
天下歡

右秀野

利祿由來酒樣醇
伊誰未醉解收身
須知澤畔獨醒
客不顧藩閭飽飫人
晉代風流多逸士
陶公名節號
忠臣築堂景慕前
賢行飲水端能
齊道真

右真止

偶題

忘慾喪軀真狂死孝忠致命勝偷生此心一片陽剛
德莫遺纖毫暫不明

山行

禽聲憂玉琤如墮蝶翅新粧粉欲飛山靜物閑無一
事却嫌釣下叟魚磯

題妙寂寺

老鵲呼簷人起早華鯨催午日西遲不因地迥稀塵
事那得冬陰似夏時

和寄喻景山

朱門到老幾人還
贏得堦庭著薜班
曾似高人無俗累
解將碧巘照朱顏
趣超今古沉酣外
句入雲烟縹緲間
白首紛紛自名利
天公最惜是清閑

飲井

飲井之清天下少
夷齊比德復如何
寒氷入口侵牙頰
甘露霑腸逐病痾
十里溉田成旱雨
一泓濟渴勝天河
活人未遂平生志
酌此深知負愧多

遊武夷

冰溪凜凜九回曲
玉壁巖巖兩面開
舟篷急湍分寸

上奇峰細得看崔嵬
幾段飛橋著翠烟雲間有路想通天古來何事非陳
迹道是神仙不見仙
武夷山上生春茶武夷溪水清見沙含溪嚼茶坐盤
石悵惆欲趁西飛霞

中春

襲人天氣暄還冷欲雨牕綃暗復明山鳥喜晴乘屋
語野農侵曉荷鋤耕不須杯勺勾春思幸有詩書愜
此生桃李繁枝一回首爭如松竹伴秋清

書懷

書卷叢中偏得垂園花開後却慵看鬼冑莫受一塵
染壯歲須騰萬里翰

春暮

春暮見花空有恨病餘怯酒謾重溫紫駟踏盡垂楊
影可笑書生獨掩門

寄題桂籍

姓名高揭萬人中奏對縱橫出漢宮肯詫一時燕許
手要垂百代惠夷風壁間先烈猶忠赤堂上嘉賓盡
醉紅常相風流今孰繼作成儒雅看侯功
曾次如水貫九流衛刀凜凜御千牛兩年報政為閩

最不日成堂見令脩有袴久騰南國詠結綯行作禁
逡遊日邊已有絲綸下不使君侯惠一州

感春

春來物物尽欣怡不到人間寒自眉願得清時同正
觀旅行終日不憂飢

春半桃李盛開

縞裙練悅映丹霞默默無言不自誇陌上行人重回
首一年春事數朝花

丁巳調選

人生四十方強仕一調十年能幾回蟬冕未加頭蚤

累詩成水上見風行筆端萬類因陵暴世態浮雲任
變更且尽花前一樽酒何須身後五言声

秋夜

水清沙淺見魚鱗雪盡淨天空數鴈飛白月無瑕呈佩
玦黃花有露綴珠璣西風勸我繡書葉促織催人送
戍衣最喜蚊雷中夜靜長檠容得一燈微

秋敗

不飲踰時心已灰黃花忽破抄秋來初無雅興酬佳
節謾把霜英浸玉醅免俗未能聊復爾清時端可賦
康哉明年此日知何處好遣詩筒數往回

和樞上人韻

梁文靖公佳城
高上人所為也

禪心獨理燈無盡曲論懷私物不齊拱木已嚴千歲
豕狂瀾難決萬金隄古今蔽顯神功相天地福藏裕
眼迷會看清風明月夕雲間端有鶴來栖

和方漕孖若遊瀑布

一派能令玉作山十年那復更愁乾初疑雲陣漏寒
月乍似鷗群趁急湍領客適當晴正好結亭偏愜暑
來看知君欲奉潘輿樂千乘何如此地安

和胡仲方晉題清泉寺壁

酸聲已殘休惜別功名未就正堪愁野梅風味閑人

意獨占群花最上頭

寄陳次顏

蕭條幾載寓泉南
五飯盤蔬味自甘
卓志每求顏氏樂
清風能激蹠徒貪
而好施人難及老
不忘書我所慚
鼓瑟求齊雖未巧
會看霄夢到晴嵐

人年六十志先衰
年過唯君意不疲
胃次鬼鬼山立壁
書叢矻矻鳥粘牆
重裘兼味人能賤
冬葛朝餐世所師
借問別來新著作
大篇無惜愜吾思

自勉

蓋世聲名都在少
君看前輩合何如
我年若此成何

事白日還同過隙駒

題高將仕墨梅

玉質縱橫黃絹外
春陽却自紫毫開
兩餘不共莓苔老
風暖暗勾蜂蝶來

書帷

青編有補曾無損
白壁難全易作瑕
欲下涼帷玩真味
莫將絲履染塵沙

觀碁

對面孫吳開兩陣
乘機胡越競操戈
鎗鋒鏖勝負何須
較喜敗無人似老坡

東坡詩敗亦可喜

盛暑

坎泉上施心長泰離火不炎身自涼更把青編靜遊
目絕無星暑到胡床

小園

小園何事得佳名環似蒲溪一水清帖帖飛鷺迷上
下翩翩遊艇探空明杯盤白處松生影衣袂涼時竹
有聲更約乘軒衛君子安與往來要將迎

端午日楓亭道中

百里青松五月涼千年忠惠有餘芳後人繼此非難
事不為公家慮久長

去家一宿六十里便作良辰客異鄉覓得菖蒲未成
飲午餘山店索杯嘗

秋日納涼

艷艷銀河冷欲流纖纖新月皎於眸天街已覺清無
暑時有飛螢點綴秋

答趙尉

慇懃春語數行書忽憶先賢泣滿裾一飯憐貧猶欲
報交章薦士合何如
親友鄉閭恨少逢多因遊宦得從容他年儻過鳴珂

皇祇恐飛翰不許泛

酒過一杯能養性肉踰三品友傷飢人生飽後無珍
味何用多戕物命為

偶題

愚智紛紛抱一丘身心役役謾多憂山林未必勝城
市觸處能歡即自由

題林氏讀書堂

四壁無塵坐絳帷鄰家清曉听唔咿聖賢凜凜長相
面爵祿駸駸詎可辭問字有人携酒款誦經終歲不
園窺我來自恨相逢晚嗣此敲門慙所思

遊雲臺寺觀梅

滿樹輕明玉雪香不容累月駐清芳似聞天上憐花
好急救丁神下取將
春風日夜曉清真不惜天香染世塵寄語山僧休
盡掃石間晉取作蘊茵
回首橫枝千萬條可憐烘日歆冰消誰知寂寞臨溪
壑却薦解和羹薦廟朝

和方丞

人物方今正眇然哦松依旧志逾堅寧為鷄口羞牛
後孔聖從來恥執鞭
平生筆健足神奇況復高懷與古期臺閣風流今貳

令不妨時出解頤詩

夜投官舍鼓逢逢雨急風喧夢作江恠得蕭然世俗
慮主人高致在軒窓

西窓梅花
新移盛開

感時

我戎之計最堪嗟不以恩威以麗華他日漁陽動鼙
鼓祇因爭取上林花

贈樞上人

心期極樂三千界世事懷安二十年顧我未能從李
道祇將寂寞當幽禪

和鄭自正長官

讀書尚友古人賢一日逢君勝一年可嘆常時成獨
李喜於今日得師傳身居吏鞅供塵底心在風雲沂
水邊雖有溪山供一笑不容忙裏寄詩篇

南安觀社會

山蔽晴空望自遙樹開小道紫駟驕
泂溪飛蓋傳清蔭四野惟聲擁海潮

試潘衡墨

膠煤鳶麝號潘衡老劑尤令奉世驚
點漆未能純黑令人字字挾霜明

泉南道中

乍寒忽暖初冬候已熟慵收大有年社鼓呼人鳴坎
坎山童待月舞躑躑旅行可飽魚蝦味疾步不驚鷄
犬眠外戶夜開今已見何時斗米直三錢

閏月中山行

輕寒悞透薄羅裳花面都成睡後粧義旆過郊曾不
駐始知蜂蝶未為忙

和傅倅梅巖之什

雲間老幹幾千年清婉仍推百卉先鐵石心腸能妙

賦廣平端似此花然

照雪凌霜夾徑開誰教千樹昔人栽要將金鼎和羹

事盡付君家巖上梅
看花長是盛時來
飛雪從渠到玉杯
天惜國香塵土
泥故應偏向石間開
人間飛葉送殘年
籬落逢春此地先
雖有柴門無鑲
鏤唐時竹洞豈其然

右梅開

方池鑿石似天開
誰把霜英傍水栽
月白波清無覓
處祇知疎影是寒梅

右清淺

銀河有派九霄來
翻手為霖費一杯
風雨時聞橋下

急烟雲元自曉天開

右三瀑

雲臺梅盛開呈卑丞立之

兩年騎馬上雲臺長是梅花爛漫開未識明珠後海
出祇逢飛雪下天來月移清影侵衣帶風送浮香入
酒杯珍重主人邀客意忙中喚我此追陪

又和卑丞詠梅

樹杪風來玉佩驚仙香遠勝市廛清細看一段孤高
趣恰似幽人避世情

和周宰書林

霏微三日雨如秋膏澤東南數百州萬物油然生意
足不知還解報君不

出古田道中

盡歷崎嶇到古田平生未識此攀緣白雲破處青嵐
見知有山圍峻屬天

白亭嶺雨大作云此道可免舟行

空囊帶雨肩山重滑屨登高上壁難遵陸來桴俱有
恨都緣何事不求安

在旅不在家書

無心覽卷謾舒卷有念盈懷日往來十日離家芳夢

遠一行無字疆顏開

到雪峰

幾載遊山成負約千年有寺未曾登却因名利經行
此羞對林間問我僧
幽寂千人祇答聲
飛樓觀映山青世間役役誰知
夢林下高人眼獨醒

和喻景山

一榻無塵便覺涼半生場屋鬢將黃而今已辦還山
計對卷燒香愛日長

復齋先生龍圖陳公文集卷第四終

竹間楊花

五月林梢未著蟬
節根新換玉娟娟
露華團翠濃湛
滴澆得殷紅不敢然

瓶梅

為怕凋零不忍裁
問云何處正初開
小牕盡日看春
至短帽無人澈夜陪
光景長如新月上
杖藜懶向小園隈
最憐飛玉朝來見
不恠狂風急雨催

題蒲巖次陳侍郎韻

纖巧難誇刻楮工
四時不改綠茸茸
祇應松檜堪為
閱盡人間桃李風